

# Kyrkjeblad

FOR GLOPPEN PRESTEGJELD  
NR. 6 - NOVEMBER 2001 - 31. ÅRGANG



# EF - evig fellesskap?

EF er eit ord som for mange giev sterke kjensler. Anten for eller imot. Eg tenkte eg ville gje desse to bokstavane eit nyt innhald. Då det europeiske fellesskap vart bygt opp så kom det ord som fellesskap, fred og rettferd om det som skulle byggjast. Eg tek ikkje her stilling til det politiske i det eller om dette har ført sanning med seg. Det var likevel ord som vart og vert nytta nasjonar mellom.

Eg vil vri på tydinga av denne bokstav-samansetjinga. Eg vil snakke om eit evig fellesskap i Kristus. For det er det markeringa av Helgemesesundag handlar om, for det handlar om at vi er del i noko som er større enn våre jordiske liv. Det handlar om å leve i all æve. Det handlar om rettferd, fred og fellesskap mellom Gud, min neste og meg sjølv.

På Helgemesesundag lyd teksten om alle dei som er sæle. Ordet sæle tyder: velsignna, lukkeleg, heldige mot-takrar av Guds nåde. Det vert nytta om heltane i Bibelen.

Det handlar om dei som var viljuge til å offre seg sjølv for sitru. Ikkje på den måten at dei tok med seg andre inn i døden, men ved å gje seg sjølv for at andre skulle få liv. Dette gjorde ein ved å ikkje frå-

seie seg si tru, men ved å halde fast på den same kva som måtte kome. Det var eit vitnemål om Kristus. Vitnemålet om Kristus er det vi er kalla til å bere vidare på denne dagen og elles.

Mange menneske nyttar Helgemesesundag til å gå på gravene for å minnast sine kjære. Vi hugsar våre kjære og kva dei har vore for oss. Ein tennar lys og pyntar som ei helsing no før vinteren set inn. Ein har tid for stille og ettertanke. Det er både godt og smertefullt samstundes. Å stå ved ei grav er ikkje berre vondt og ikkje berre godt. Det er både delar.

Noko av det som gjer at eg er prest er at eg kan stå i kyrkja og ved ei grav med heile meg. Stå der med all mi smerte og all mi glede. Fyrst og fremst står eg der med von og ei famlande tru. Ikkje fordi eg har alt klart for meg, ikkje avdi eg er så sterk i meg sjølv. Eg står der på grunn av at eg vonar at Gud skal reise den truande opp att på den siste dag.

Petter Dass har skrive knakande godt om dette i sin salme "Solen på himmelen". Den finn du i salmeboka på nr. 174. Der står det i 3. og 4. verset:

Tiden vil Herren ei lenge forhale,  
tredje dag alt han av graven oppstår.  
Hva er om tre dager gravtid å tale,  
hva kan de regnes mot evighets år?  
Gladeliv vil vi  
med Herren fornredres,  
så vi med Herren for evig kan hedres.  
Halleluja, halleluja!

Aldri er kornet i jorden så lenge  
at vi ei spirende oppvekst får seg.  
Blomster ved sommer  
skal lokkes av enge,  
de som lå dekket av vinter og sne.  
Så skal og blomstre  
de visnende lemmer,  
de som i støvet med tårer vi gjemmer.  
Halleluja, halleluja!

Så får vi då ta lærdom av dei som har gått inn i æva før oss og vente med von på at Gud skal gjere alle ting nye.

## MATTEUS 5, 1-12

Då Jesus såg folkehopen, gjekk han opp i fjellet. Der sette han seg, og læresveinane samla seg om han. Då tok han til ords og lærte dei: Sæle dei som er fattige i seg sjølve, himmelriket er deira. Sæle dei som syrgjer, dei skal versta trøysta. Sæle dei tolsame, dei skal arva jorda. Sæle dei som hungrar og tyrstar etter rettferda, dei skal versta metta. Sæle dei miskunnsame, dei skal få miskunn. Sæle dei som er reine i hjarta, dei skal sjå Gud. Sæle dei som skaper fred, dei skal kallast Guds born. Sæle dei som vert forfylgle for rettferd, himmelriket er deira. Ja, sæle er de når folk for mi skuld spottar og forfylgjer dykk, lyg på dykk og talar vondt om dykk på alle vis. Ver glade og begne, for stor er løna dykkar i himmelen! Sameleis forfylgle dei og profetane før dykk.

Magnar Haaland

Terroraksjonane i Amerika 11. september sette skrek i heile verda. Og folk spør: Kva er det som får menneske til å gjere noko så vondt? Den fremste mistenkte bak ugjerninga, Osama Bin Laden, hevdar at det er gjort i Guds namn. Det er Gud som straffar Amerika. Tusentals demonstrantar støttar det synet. Dei trur: Gud er med oss mot Amerika. På den andre sida står president George W. Bush og leier åtaket på Taliban-regimet i Afghanistan, som vernar terroristane. Han seier ikkje at han straffar på vegner av Gud, men han avsluttar talane sine med "Gud velsigne Amerika!"

På begge sider står altså leiarar som trur dei gjer det Gud vil når dei kjempar mot kvarandre. Det er tydeleg for all verda at den religiøse dimensjonen i denne kampen er svært viktig. Begge partar vil seie at Gud er med oss, om dei enn har svært ulike biletar av Gud.

Vi nordmenn som er på lag med Amerika, har vel lett for å tru at Gud er med oss. I alle fall kan han ikkje vere med terroristane! Det dei har gjort, må heller vere inspirert av den vonde sjølv. Men er det no så sikkert at Gud er med oss og Amerika?

Det er alltid grunn til å vere på vakt når nokon lett vint og sjølvsgart reknar med å ha Gud på si side. Det

Gud  
med  
oss?

gjeld både for einskildmenneske og for folk og nasjonar. Gud lar seg ikkje binde av alliansar. Han er fri og over alle. Han kan like gjerne vere mot oss som med oss i det vi held på med. Men kan vi då aldri vite kvar vi har han? Jau, viss vi ser på Jesus, kan vi finne alt vi treng å vite om kvar vi har Gud. Han er mellom dei som lir av skadar, sjukdom og hunger. Han er mellom dei fattige og sorgjande. Han er med dei som prøver å hjelpe og lindre naud. Han er hos dei som angrar og ber om tilgjeving for sine synader. Han er hos dei som strir mot hat og vondskap i seg sjølve og i verda omkring. Han er hos dei som prøver å gjøre rett og å skape forsoning og rettferdig fred.

Då blir spørsmålet til oss: Er vi med Gud? Er vi med den Gud som viser seg i Jesus Kristus? Det er utfordringa også framfor denne vinteren då frost og hunger trugar millionar medmenneske i det krigs-herja Afghanistan. Vil vi ta del i det store hjelpearbeidet som må til der, kan vi trygt rekne med at Gud er med oss i det. Og så må vi be om at dei som har makt i verda, får vilje og visdom til å gjøre det som er rett i Guds auge. Då må skrekken vike for trygg tiltru til Han som har lova å vere med oss alle dagar så lenge verda står.

**Asbjørn Gjengedal**

## Monument i Anda

Det som noko unyansert blir kalla "Heksemonumentet", er Stig Eikaas i full gong med. Det er tidlegare presentert ein modell av det her i Kyrkjebladet. Reaksjonane på den har vore udelte positive.

Dei som har vore i atelieret hans, seier at det eigentlege kunstverket, som no tek form, langt overgår modellen. Dette vert flottare enn nokon hadde tenkt seg i starten. Det vert eit verdig monument over dei som måtte bøte med livet klaga for trolldom og hekseri. Dei fleste ofra var kvin-

ner. Det er på høg tid at desse får sitt minnesmerke. Noko seinare vil vi gå ut med ein meir profilert innsamlingsaksjon. Men vi minner om kontoen Soknerådet har oppretta i Sparebanken Sogn og Fjordane: 3705.04.04995 Monumentet i Anda.

Gåver vert mottekne med takk! Det er vår tru at mange vil ta utfordringa og ønskjer å vere med på å realisere dette prosjektet som vert det første heksemonumentet i landet.

O.S.G.

# Verdas l-e-n-g-s-t-e, bygda og Guínnes Records ...

Når dette nummer av Kyrkjebladet kjem ut, er årets utgåve av Guinnes rekordbok, den norske utgåva, på plass i hyllene i landets bokhandelbutikkar. Då er gudstenesta som vart halden i Arbeidskyrkja denne påska å finne mellom permane i rekordboka. Gudstenesta fekk sin plass slik det var søkt om. Og den skal vere å finne under kapitlet Norske Rekordar, vert det opplyst i telefonsamtale med Schibsted forlag.

Det var mykje arbeid å organisere ei slik gudstenesta. Då er det uråd å tenke på stillingsstorleikar og arbeidstider. Men det var ei oppmuntring å sjå og oppleve at folk frå heile Gloppen og langt vidare møtte opp og tok del, anten som tekstlesarar eller loggførarar. Natt og dag kom dei, åleine, i lag med familie og vene, og gudstenestedeltakarar i hopetal. Gudstenesta har rørt ved oss og vi fekk sjå at Bibelens innhald er viktig for oss, og at den gjer noko med oss.

Vi fekk det til! Det vart Guinnes rekord! Rekorden er i seg sjølv kan hende ikkje det aller viktigaste når det kjem til stykket, men at ein i kyrkjelyden set seg eit mål og saman arbeider for å nå det, og at mange yter sitt for å nå målet, er viktig. Når ein slik samlar seg om eit arbeid og står saman for å nå det, då vert det mogleg å lukkast. Men då må alle yte sitt, anten det er stort eller smått. Når så alle bidrag vert lagt i hop når ein det mål ein ynskte. Slik er det på alle område i livet. I kyrkja. I bygda. Overalt der det er menneske.

Kan hende ein må setje til side noko av sitt eige for ei stund, men når vi dreg i lag og i same retning går det bra.

I etterkant av gudstenesta har det vore mange positive reaksjonar til oss som sto for arbeidet med gudstenesta.

Mange kan fortelje at dei har gjenoppdagat Bibelen, tilreisande til Gloppen i sommar har besøkt kyrkja der gudstenesta vart halden, og det vert også vist på andre måtar kva det har betydd at vi gjorde det.

Knut-Ove Henden har skrive ei vise om verdensrekorden. Den kan syngjast på melodien til "Vise om Gjest".

## VERDENSREKORDEN

*No skal de få høyre om verdensrekord  
som dei sette i Mona i påska i år.  
Ja, no skal de få høyre om korleis dei jobba  
då dei planla kome i Guinnes Rekordbok.*

*For Gundersen starta gudstenesta han  
og Hafssås og andre - etappar dei las.  
Ja, no skulle dei lese Bibelen ut  
og skifte på folket kvart tredekte minutt.*

*Ja, folket i Gloppen dei las no på skift  
for verdensrekorden den skulle dei ha.  
I kyrkja dei las og noterte ned flittig  
at alt gjekk rett for seg natt og dag.*

*Og etter at Bibelen var utlesen han  
dei gjekk og venta på godkjenning ja.  
For spenninga stig den frå dag til dag  
og håpar at svaret er positivt JA.*

*Så kom det ein dag - eit vakkert brev  
med svaret dei venta så lenge på.  
Og dermed så kunne dei juble i kor  
og feire med kaffi og kaker på bord.*

Så vil eg nok ein gong rette ein takk til alle som var med og bidrog til at vi fekk det til. Takk til soknepresten for den spenstige idéen og til media som møtte oss på ein slik fin måte.

Som takk for gudstenesta kan ein ta med tre vers skrive av Liv Nordhaug. Desse vart levert på kyrkjelydkontoret av ei som var glad for gudstenesta. Så rettar vi med dette også takka der den alltid skal rettast, nemleg til vår Gud og Far.

MSR.

## EIN TAKKESONG

*En takkesang skal stige  
til deg, vår Gud og Far.  
Takk at du er iblant oss  
med alt du er og har.  
Du samler oss som søsknen.  
Her får vi være ett,  
med samme åpne himmel  
og samme barnerett.*

*Du, Jesus, selv er treet.  
Vi har vårt liv i det.  
Og alle dine grener  
står vi i samfunn med.  
Så er vi sammenbundne  
i treets liv og saft,  
til tjeneste forenet  
i kjærighetens kraft.*

*Kom Hellig Ånd, og vis oss  
vår plass ved korsets fot.  
Forman oss når vi strides.  
Skap ydmykhet og bot.  
forny igjen vår kirke.  
Så går vi styrket ut  
med hjelp til dem som lengter  
og letter etter Gud.*

# Velkommen til kyrkje - helgemessesøndag

Søndag 4. november er det helgemesse, eller "allehelgens dag" som vi og seier. I kyrkja er dette ein søndag då vi på ein særleg måte ser framover. Bibeltekstane talar om målet for den kristne trua: Guds evige rike, himmelriket. Utan å gløyme kvarldagen og livet her og no vil helgemessesøndagen minne oss om at framtida er i Guds hender.

Men denne søndagen stoppar vi også opp for å minnast dei som ikkje lenger lever saman med oss her på jorda. For

mange mellom oss har det siste året vorte fylt av sorg. De har mista ein av dykkar kjære, kanskje han eller henne som stod dykk aller nærest. Difor vart dagane så annleis enn før, sorga og saknet er der og set sitt preg på livet.

Helgemessesøndag vert det gudstene i alle dei 4 sokna i Gloppe. Der vil vi lese opp namna på dei som er døde sidan forrige helgemesse. I Guds hus vert vi minnte om at vi ved Jesus Kristus får del i truas usynlege samfunn

også med dei som har gått føre oss og har fullført løpet. Ved nattverdbordet møter Jesus oss med fellesskap og håp. Han kjem til oss med "kjærleiken som er sterke enn døden."

*"Her i din nød, hvor alt er fylt av fravær, er Gud deg nær og rekker deg sin fred"*

H. Forland


## Kunst i Arbeidskyrkja

Arbeidskyrkja i Mona har sikra seg nokre fine kunstverk av Kjartan Slettemark.

Dei tre bileta, som har tema som går på bøn, er svært vakre. Det som kjem til uttrykk gjennom biletta, slik eg opplever det, er kjensler bøna kan springe fram av, som det sterkt rauda for kjærleik, det meir tandre rauda, mot orange for smerte og det gyldne for glede. Dei opplevast som sakrale, estetisk bilet.

Slettemark fekk i haust Norsk Kulturnråd sin ærespris. Det viser at han er ein anerkjend kunstnar. Han har ein sentral plass i nyare nordisk kunstistorie. Han har ei årrekke kjepp i Sverige, men har slektsrøter i Gloppe. Etter at det vart kjent at Slettemark med sin kunst ville bli representert i Gloppe, har eg fått henvendingar som fortel at han har slektsrøter både til Hyen og Breim.

Mor til Kjartan Slettemark var fødd i Sørrentunet i Eimhjellen, og vart gift i Slettemark med Jakob. Slekt til Jakob



kom frå Breim. Jakob Sørenson Eggert vart gift med Ragnhild Myklebust. Dei flytte i 1871 til Naustdal der dei kjøpte gard. I slekta har det vore kunstnarleg are med fleire speslemenn.

Arbeidskyrkja, som i seg sjølv er eit arkitektonisk kunstverk med den store glasmosaikkrua, har dei sista åra fått kunst av fleire kunstnarar med tilknytning til vårt distrikt, Pella Gil, Oddvar Torsheim og no Kjartan Slettemark. Pengane som vart brukt til det, tilsvarer om lag det beskjedne statstilskotet

Gloppe kommune så velvillig let oss behalde.

Det har vore kjekt å registrere at ungdomane som samlar seg i Arbeidskyrkja har etterlyst kvar det har vorte av Torsheimbiletet "Kyrkje på pinseatur". Dei har sakna det. Det har vore på ei større kunstutstilling i Kobenhavn. I sommar var det stilt ut i Eikaas-galleriet. Det er no ønske om å få låne det til ei ny, stor utstilling. Men det kjem heim til jul for å bli.

Over nyttår reknar vi med at Arbeidskyrkja formelt vert overteken av Gloppe kyrkjelege Fellesråd. Nytt styre for stiftinga vert då valt etter dei vedtektena som vart vedtekne på siste årsmøte. Omgåvne for det nye styret vert å støtte og ta initiativ til kyrkjelydsarbeid det ikkje er naturleg å venta at Gloppe kyrkjelege Fellesråd kan ta det fulle ansvar for. Eit svært viktig arbeid er ungdomsarbeidet.

O.S.G.

# Konfirmantleiren

på Nesholmen 28.-30. september

66 konfirmandar frå heile Gloppen var samla på leir-weekenden på Nesholmen denne hausten. Det vart ei minnerik helg fylt av latter og moro, avløyst av stille og ettertanke. Utfordringar av sportsleg karakter vart det og høye til.

Fredagskvelden hadde vi invitert folk frå lensmannskontoret så dei kunne fortelje om rusproblematikken og farane knytt til bruk av rus og konsekvensane av bruk. Det var Torbjørn Sælen frå Gloppen lensmannskontor og Agnar Bøyum frå Jølster lensmannskontor som møtte ungdomane våre.

Laurdag vart det strålende varmt etter ei litt kald natt. Då vart det halde bibeltid med gruppearbeid etterpå. Konfirmandane la fram arbeidet sitt i plenum etterpå på ein framifrå måte. Flott! Seinare vart det tid til sporleik der konfirmandane i grupper løyste ulike oppgåver. Både programinnslag til bruk under samlinga på kvelden vart påkome då, og dei var med og utarbeidde bøner til bruk i gudstenesta i Hyen neste dag og mange andre ting.

I fineveret vart det mange som padla i kanoane og kajakkane. Det vart også bada i vatnet.... Fotballturneringa vart avvikla med kyndig døming mellom laga.

Konfirmantleir er kjempekjekt også for oss vaksne. Takk skal de ha, konfirmandar, for ein fin leir, takk til de vaksenleiarar som vart med og som hjalp til på alle vis.

**MSR.**

## BILETA


1. Torbjørn Sælen og Agnar Bøyum sette rusproblematikken på dagsorden.
2. Kor mange er det plass til på eit kum-lok? Frå sporleiken.
3. Klar for kano og kajakk-tur.
4. Er det råd å få alle over utan å vere nær tauet? Frå sporleiken.
5. Samling i møtesalen



1



2



3



4



5

# "... og for hvert håp som dør her nede, får jeg et håp i himlen mer."

- Det er håpet om eit evig liv og om gjensyn som gjerv meg styrke i kvardagen, når eg saknar Anders, seier Eli Skarstein Henden.

Glaskarmane i den unelege stova til Eli er fylte av vakre blomar. Helsingar ho fekk då mannen hennar døydde i slutten av september i år.

Eli og Anders fekk 56 år saman - eit langt samliv. - Tomrommet og saknet kjem ofte sigande over meg, seier ho. - Då prøver eg å ta fram dei gode minna eg har om han. Anders var både ven og kamerat. Vi delte sorg og glede. Vi fekk ei fin pensjonisttid, reiste ofte på hytta på Austrheimsstøylen midt i veka. Anders likte så godt å rusle i fjellheimen kring støylen. Det er gode minne.

Eg har bedt Gud om hjelp og styrke i det som måtte møte meg, og eg har fatt lov å vere roleg midt i både sjukdom og død.

Anders var ein roleg mann. Han var ikkje redd for å døy, og det var til styrke og hjelp for meg.

Gravferdsdagen vart



Eli og Anders Henden.

ein rikt minne. Dagen var "vår" med sol og fine haustfargar. Det var godt å samlast i kyrkja og vera med i salmesongen og lytte til Guds ord. Vi ynskte at det måtte bli ein dag med lys og håp i seg. Difor valde vi å opne med songen "Deg ære være, Herre over dødens makt". Vi sang og "Lov Jesu namn og herredom". Dette er ein fin lovsong om dei som har nått fram til "himmelkor" og "tolmods krans har nått". Denne sterke salmen sluttar med bøna: "Ja, gjev me med Guds kvite hær av all vår hug og hått syng songen ny for Jesus, allheims drott".

Oddlaug Vereide

## Dagen idag har verdi!

En dag fikk jeg plutselig vite at jeg kanskje har tilmålt tid. Da ble alt det store så lite, og alt de lille fikk større verdi.

Jeg måtte ta fram alle dager og tenkte på alt jeg har fått. Om kroppen fikk mange slags plager har gleden i hjertet bestått.

Min takk går til trofaste venner for omsorg, varme og smil. Jeg innerst i hjertet mitt kjerner at dette gir krafft - uten tvil.

Jeg ønsker jo at jeg får leve og enda ha dager og tid. En morgendag kan ingen kreve, men dagen i dag har verdi.

16/7-94

Evelyn

# *Ein prat med Per-Johan*

Vi var nærmeste grannar i gamle dagar. Og delvis no og, i ferie-tida. Då er Johan årvisst gjest i «Per-Jenny» sitt hus. Tidlegare var Jenny husmorvikar i Gloppe, og Johan og ho er søsken.

Per-Johan er ein glad gut, som nærmar seg nitti (87). Men det viser ikkje utanpå. Enno manglar han både «måne og mage», og hugsar gjer han betre enn mange yngre. Han er lettliga og har ein fin form for humor, men med djupt alvor bak.

Vi nyttar høvet til ein prat til Kyrkebladet, då Johan var her i sommar på ferie.

## **Minne frå barneåra**

- Då eg var i 5-års alderen fekk eg vere med far og harve åkeren - med to hestar framføre. Eg fekk halde i taumane mens far var innom huset eit ærend. Då kom presten Kvåle køyrande forbi - i fin karjol med fjording framføre. Han stansa og undra seg over køyrekaren, som var liten, både av vekst og av år. Men eg følte meg stor, som køyrd med to hestar - og presten hadde berre ein!

Så snart konfirmasjonen var over - Roe var prest her då - bar det ut i verda, for å tene til mat og klede. Granneguten, Sigurd, og eg fekk jobb i Firda Billag. Det var ikkje F-bussar i den tid, men nokre mindre bilar som heitte Buick og Adler, dei hadde plass til seks passasjerar. Bilane sakka på farten så vi fekk springa ut og framfor bilane og late opp grindane, som det var mange av i dei dagar. Så var det å springe igjen, for å nå att og kome seg inn igjen i bilen. Farleg, travelt og spennande.

Vidare var det å hjelpe slekta. Eg var ei tid på Isane, der syster mi, Inga, var

gift og busett. Og så tente eg i Sandal, der mors-folket mitt budde.

## **Nådde att lærarane i timeløn**

- Men så spurdest det at det var så spennande arbeid å få i Årdal i Sogn. Lønnsamt var det og - på dei fårlegaste plassane - med sprenging av fjellet til kraftstasjon, der vi fekk kr 4,- i timeløn.

Heime på ferie var eg innom Skule-Nils, læraren min i folkeskulen. Då han fekk høyre om løna vi hadde der, slo han hendene saman og sa: «Du store tid - de når att oss lærarane!»

I den tid var lærar litt «høgare på strå» og status enn anna folk.

## **Danmark**

- Eg fekk no råd til å reise utanlands - til Danmark - og gå på Brøndrup Folkehøjskule. Der hadde vi jordbruksfag og. Etter dette fekk eg arbeid på ein gard som dreiv med frøavl. Då eg kom heim att i 1940 var landet vårt okkupert.

## **Nord-Noreg**

- Du var i Nord-Noreg under oppattbygginga etter krigen, og der møtte du ei flink kokke ....

- Ja, det var ho Ragna, som vart kona mi. Ho hadde mange andre gode eigenskapar også. Men ho er dverre borte no.

Vi bygde hus på Lauksletta, og vi fekk fire born, tre guitar og ei jente. No er eg bestefar til åtte.

- Det var triste greier, med alt som var brent og rasert i Nord-Noreg. Eg reiste til Skjervøy, og vart vidaresendt til Arnøya i Troms. Då vi fekk bygt opp att nytt skulehus, hadde vi og gudsteneste der.

Eg var vaktmeister på denne skulen,



*Per-Johan er ein glad gut, som nærmar seg nitti (87), men det viser ikkje utanpå. Hugsar gjer han betre enn mange yngre, både frå notida og frå gamle dagar.*

og «kyrkjetenar» på søndagane.

- Er det betre frammøte til gudsteneste der enn her?

- Det har minka litt, men stort sett er folk flinke å take seg fram til gudstenesta, både på sjø og land, i storm og stille. Veret er ofte lunefullt. I 1997 hadde vi 2,40 m snø på det meste, i fjar 1,20. Her er lite forureining og få bilar.

## **Ferie og gudsteneste i Breim**

- Fekk du meg deg gudsteneste i ferien?

*Framhald side 10*



# FAMILIE-NYTT

## DØYPTE

### Vereide

- 15.09. Erlend Paulsen Skaaden  
Fadrar: Elisabeth Paulsen, Idun  
Merete Eikenes, Hege Høgalmen,  
Knut Inge Stavang
- 15.09. Dan Peter Rye Moen  
Fadrar: Ingunn Kolve, Øyvind Rye,  
Mary Chou Rye, Margit Rye,  
Kirstoffer Rye
- 23.09. Andreas Kaale  
Fadrar: Kari Leirgul, Morten Leigul,  
Ellinor Støylen, Lars Petter Støylen
- 30.09. Thea Solås  
Fadrar: Natalija Janhovic, Sandra  
Sitnovska, Morten Utheim, Jon Kåre  
Solås
- 13.10. Isak Baade  
Fadrar: Arne Ola Stavsgård, Astrid  
Eide Stavsgård, Elin Sofia Lotsberg,  
Grethe Aram, Hans Petter Baade
- 21.10. Marcus Haveland  
Fadrar: Bjørn Haveland, Erling Kåre  
Haveland, Jørn Roger Haveland,  
Marianne Sandvik, Robert Bortne
- Gimmestad**
- 14.10. Mari Rygg  
Fadrar: Anders Trondstad, Magnar  
Rauset, Malin Frøyen, Randi Rygg
- 14.10. Mathias Varpe  
Fadrar: Terje Arnestad, Hege  
Aagaard, Anny Marie Thorsen,  
Trygve Varpe
- Hyen**
- 30.09. Ørjan Rygg  
Fadrar: Marta Utheim Eraker,

Eva Rygg, Jan Kåre Rygg, Per Eraker,  
Eivind Kolltveit

## Breim

- 6.10. Kristoffer Taule Vassdal  
Fadrar: John Andre Taule, Solgunn  
Taule, Heidi Rebbestad, Jan Thore  
Vassdal, Marit Kristine Vassdal

## VIGDE

### Vereide

- 15.09. Dag Henning Paulsen og Ingunn  
Marie Skaaden
- 15.09. Olav Arne Vereide og Unni Aske
- 08.06. Harald Solvang og Oddny  
Margrete Vereide, vigde i Den Norske  
menighet på Mallorca.

## Gimmestad

- 22.09. Olav Hansson Øy og Elisabeth  
Ulvestad

## Hyen

- 23.06. Stian Holme og Oda Helen Teigberget
- 04.08. Jørgen Davik Meland  
og Hege Olin Ommeland

## Breim

- 06.10. Nils Rune Vassdal og Monika Taule

## JORDFESTE

### Vereide

- 22.09. Anders Henden f. 13.05. 1917
- Hyen**
- 14.10. Arne Aa f. 18.08. 1931
- Breim**
- 27.09. Gjertrud Moldestad f. 29.06.1909
- 28.09. Ola O. Støyva f. 06.12.1903
- 04.10. Ola Fløtre f. 30.03.1923
- 05.10. Asbjørn Gil f. 27.12.1926

## Framhald frå side 9

- Ja, eg var heldig såleis. I Breimskyrkja er eg både døypt og konfirmert, så det er gripande å kome tilbake her. Eg fekk med meg ei rik og lødig gudsteneste, med god forkynning av Guds ord, dåp og nattverd. Men det var eitt minus; det var så altfor lite folk! Eg sakna m.a. myklebustdølene. Dei som kom køyrande i rad og rekke, ofte 9-10 i fylgle, med spreke fjordhestar føre, på kyrkjeferd, før i tida! Godtfolk og sambygdningar, forsøm ikkje Guds ord og kyrkjegang!

## Jesus Kristus,som er trøyst, lyser i mørketida!

- Korleis reagerer du på mørketida der nord?

- Lite. Eg prøver å fylle den tida og med det som er meiningsfylt. Studere Bibelen, drive med diverse handarbeid m.m. Og så ser eg fram til Breimsturen, og sommarferie, med sol og varme. Før gjekk det ei veke i reisetid. No brukar eg fly og ein time og tre kvarter frå Tromsø til Oslo.

Eg vil no ta turen sørover så lenge helsa held. Men eg tek berre ein dag om gongen, seier Per-Johan til slutt.

**Jorunn**

- 9.12. 2. s. i advent  
Luk. 12, 35-40

kl. 11.00 HYEN

Familiegudsteneste. Harald Forland. Utdeling av "Mi eiga kyrkjebok" til 4-åringane. Offer. Sogn og Fj. Søndagsskulekr./Søndagsskulane i Gloppe. Lysmesse. Olaf Sig. Gundersen. Konfirmantane i Gimmestad og Vereide tek del. Offer: Lagsbevegelsen her/NKSS.

kl. 20.00 GIMMESTAD

Lysmesse. Harald Forland. Konfirmantane tek del. Offer: NKSS.

kl. 20.00 BREIM

- 16.12. 3. s. i advent  
Matt. 11, 11-19

kl. 11.00 ARBEIDSKYRKJA

Høgmesse. Nattverd. Harald Forland. Offer: Nordfjord Prostiråd. Julekonsert. Harald Forland. Kollekt til kyrkjemusikalsk arbeid.

kl. 20.00 BREIM

- 19.12. Onsdag

kl. 20.00 VERIEDE

Julekonsert. Olaf Sig. Gundersen.

# GLOPPEN GRAVFERDSBYRÅ

Kyrkjelydane i Vereide, Breim  
Gimmestad og Hyen eit og driv byrået

Kontor i Hendenbygget, 2. etasje,  
tlf. 57 86 57 70. Mobil tlf. 917 20 420

Tilsette:

Johannes Nedrebø, tlf. 57 86 93 86.  
Mobil tlf. 970 34 378.  
Oddlaug Vereide, tlf. 57 86 54 48.

## KYRKJEBLAD FOR GLOPPEN PRESTEGJELD

Utgjeve av sokneråda i Vereide,  
Breim, Gimmestad og Hyen.

Kjem ut 10 gonger i året  
på Sandane.  
Betalig etter ønskje.

### Redaksjonen:

Marie Sælensminde Rygg,  
Jorunn Eide, Oddlaug Vereide,  
Ola Jan Birkeland, Kåre Holvik,  
sokneprest Olaf Sigurd  
Gundersen, kapellan Harald  
Forland.

Kyrkjebladssekretær:  
Marie Sælensminde Rygg.

Layout:  
Anders Rinde.

### Kasserar:

Johs. Klungrehaug,  
6823 Sandane  
Postgiro 0804 3416872.

## GLOPPEN PRESTEGJELD

### Sokneprest

Olaf Sigurd Gundersen,  
Vereide, 6823 Sandane. Tlf. 57 86 93  
85. Mobil 951 36 059.  
Prestekontoret er ope heile veka.

### Kapellan Harald Forland

Hovden, 6826 Breim  
Tlf. 57 86 82 20.  
Mobil: 917 77 473  
Fast kontortid:  
Tysdag kl. 09.00–11.00  
Torsdag kl. 16.30–18.00.  
Elles trefttid etter avtale.  
Måndag er fridag.

### Prostiprest Asbjørn Gjengedal

Porsvegen 1, Sandane.  
Tlf. 57 86 66 78.  
Mobiltelefon 901 73 631

### Kyrkjelydsekretær:

Marie Sælensminde Rygg.  
Postboks 272, 6821 Sandane  
Kyrkjelydkontoret 57 86 53 17.  
Mobil tlf. 995 48 812  
(Hendenbygget). Kontortid:  
Onsdag 9–14, fredag 9–13.

### Soknediakon:

Inger Johanne Grini.  
Pb. 258, 6821 Sandane  
Kontor i Arbeidskyrkja.  
Tlf. 57 86 65 27.  
Kontortid: Tysdag 13.00–15.00  
Onsdag 11.30–13.30.  
Tlf. privat: 57 86 66 72.

### Ungdomsarbeidar:

Helge Hafsfas  
Kontortid: Måndag, tysdag, torsdag  
og fredag kl. 9.00 - 15.00.  
NB: Onsdag fri.  
Telefon: 57 86 56 47 (a)  
Mobil tlf.: 997 64 216.

### Kyrkjeverje:

Oddbjørn Almenning  
Kontortid i Arbeidskyrkja  
kl. 08.00–15.00.  
Tlf. kontor: 57 86 56 16.  
Mobil: 959 72 140 Fax: 57 86 56 47.

## GLOPPEN PRESTEGJELD

### VEREIDE SOKN

Klokkar: Oddlaug Vereide,  
tlf. 57 86 54 48.  
Formann i soknerådet:  
Maria Lundestad, tlf. 57 86 54 19.  
Organist: Anders Rinde,  
tlf. 57 86 93 01.  
Vereide kyrkje, tlf. 57 86 93 06.  
Kyrkjetenar: Bård Vereide  
tlf. 57 86 93 24, mobil 905 16 379  
Gravar: Ivar Hjelle, tlf. 57 86 58 59.

### BREIM SOKN

Klokkar: Maria Seim,  
tlf. 57 86 81 87  
Formann i soknerådet:  
Norvald Gjengedal,  
tlf. 57 86 81 76  
Kyrkjetenar: Anders Bjørnereim,  
tlf. 57 86 74 22.  
Organist: Anders Rinde,  
tlf. 57 86 93 01.  
Kyrkjegardsarbeidar: Jon Gåsemøy,  
tlf. 57 86 71 28.  
Gravar: Ivar Hjelle, tlf. 57 86 58 59.

### GIMMESTAD SOKN

Klokkar: Arne Jostein Gimmestad  
tlf. 57 86 78 73.  
Organist: Per Mardal, tlf. 57 86 58 89.  
Formann i soknerådet: Marie Sælens-  
minde Rygg, tlf. 57 86 77 15.  
Kyrkjetenar: Inghild Bakketun,  
tlf. 57 86 57 14.  
Kyrkjegardsarbeidar: Kjell Mardal,  
tlf. 57 86 57 12.

### HYEN SOKN

Klokkar: Martin Ø. Ommedal,  
tlf. 57 86 90 37.  
Organist: Sivert Aa, tlf. 57 86 98 56.  
Kyrkjetenar: Jakob Holmestrånd,  
tlf. 57 86 98 48.  
Formann i soknerådet:  
Borgny Haug Aa, tlf. 57 86 98 56.

# Vi møtest i kirkja

Lat oss ikke halde oss borte når kyrkjelyden vår samlast, som somme plar gjera, men lat oss setja mot i kvarandre.» (Hebr. 10)

2.11. Fredag	kl. 20.00 VEREIDE	Konsert: Bjarte Sætre, glas, Øyvind Lyslo, gitar, Magni Vereide Kroken, song.
3.11. Laurdag	kl. 17.00 VEREIDE	Konsert. Sigvard Dagsland.
4.11. Helgemesse Matt. 5, 1-12	kl. 11.00 BREIM kl. 11.00 GIMMESTAD	Høgmesse. Nattverd. Harald Forland. Offer: Sjømannsmisjonen, Den Norske Kyrkje i utlandet. Høgmesse. Nattverd. Asbjørn Gjengedal. Offer: Sjømannsmisjonen, Den Norske Kyrkje i utlandet.
	kl. 20.00 VEREIDE kl. 20.00 HYEN	Gudsteneste. Harald Forland. Nattverd. Pilgrimsmesse. Vereide kyrkjekor. Gudsteneste. Asbjørn Gjengedal. Nattverd.
11.11. 23. s.e. pinse Matt. 18, 21-35	kl. 11.00 ARBEIDSKYRKJA	Høgmesse. Asbjørn Gjengedal. Offer: Søndagsskulane i Gloppen.
18.11. 24. s.e. pinse Matt. 22, 15-22	kl. 11.00 VEREIDE kl. 11.00 BREIM kl. 20.00 GIMMESTAD	Høgmesse. Olaf Sig. Gundersen. Offer: Navigatørene. Høgmesse. Harald Forland. Anne Marie Skoglund. Presentasjon av misjonsprosjekt på Madagaskar. Thomasmesse. Harald Forland. Inger Johanne Grini. Kammerkoret Nordfjord Folkehøgskule.
25.11. Siste s. i kyrkjeåret Jes. 65, 17-19	kl. 11.00 HYEN kl. 16.00 ARBEIDSKYRKJA	Høgmesse. Harald Forland. Offer: Nordfjord Prostiråd. Konsert ved Ten-singarar frå heile fylket. Helge Hafsås. Harald Forland.
30.11. Fredag	kl. 20.00 GIMMESTAD	Adventskonsert. Sandane Skulekorps, Rygg Songlag, Distriktsmusikarar. Harald Forland.
1.12. Laurdag	kl. 15.00 VEREIDE	Konsert. Juventum og Ytre Suløy Jassensemble.
2.12. 1. s. i advent Sef. 3, 14-18	kl. 11.00 BREIM kl. 11.00 GIMMESTAD	Familiegudsteneste. Harald Forland. Utdeling av "Mi eiga kyrkjebok" til 4-åringane. Offer: Kyrkjelydsarbeidet. Familiegudsteneste. Olaf Sig. Gundersen. Utdeling av "Mi eiga kyrkjebok" til 4-åringane. Offer: Kyrkjelydsarbeid. Kyrkjebrus og -kaffi. Lysmesse. Olaf Sig. Gundersen. Konfirmantane og elevar ved Hyen skule tek del. Offer: KFUK/KFUM.
9.12. 2. s. i advent Luk. 12, 35-40	kl. 11.00 VEREIDE	Familiegudsteneste. Olaf Sig. Gundersen. Utdeling av "Mi eiga kyrkjebok" til 4-åringane. Sandane Familiekor.